



**Nammisornersorlutik Oqartussat kommunillu Danmarkimi nunanilu allani kiffartuussinernut atatillugu aningaasartuutigisartagaasa Naalakkersuisut UKA 2017-mut misissuinermik saqqummiussinissamik suliniuteqaqqullugit inatsisartut aalajangiiffigisassaattut siunnersuut. Misssuinermi aamma innersuussutit qanoq ililluni nunatsinni kiffartuussinerit atorluarneqarnerusinnaanerit, taamaalilluni nunatta avataaniit kiffartuussinerit annikillisarnissaat anguneqaqqullugu.**

(Inatsisartunut ilaasortaq Anthon Frederiksen, Partii Naleraq).

(Siullermeerneqarnera)

Eqqaamassallugu pingaarpoq, nunarsuarmioqatigiinneq atugaaleriartortoq Kalaallit Nunaanni aamma atuummat. Partii liberal-iusutut isumaqarpugut nioqquitit kiffartuussinerillu nunat assigiinnigitsut akornanni killilersorneqannginnerpaamik ingerlanneqartariaqartut.

Nuannaarutigaarput ullumikkut takusinnaasatsit suliffeqarfissuit Royal Greenland aamma Polar Seafood-tut ittut nunani tamalaani niuffannermi angusaqarfiulluartumik unammillersinnaaneri.

Taamaattorli eqqaamassavarput taakku suliffeqarfissuit angusaqarluarfiulluarneri nioqquitit kiffartuussinerillu ajornannginnerinut peqqutaaqataasut, nunat tamalaat niuffaneri eqqarsaatigissagaanni.

Demokraatit isumaqarput siunnersuummi matumani siunertarineqartoq ajunngilluinnarmat. Takusinnaarusupparpullu nunatta pisortaqarfiinit namminersorlutillu suliffiuteqarfiutillit nunagisami nioqquitit kiffartuussinerillu atorluarneqarluarnissaat. Taamatuttaarlu isumaqarpugut eqqaamasariaqartoq akitigut pitsaassusermillu naligiissitaarisooqartariaqartoq. Upperaarput pisortaqarfiit namminersortullu suliffeqarfiutaat pisiortorfiit akitigut sullissinikkullu tunniussilluarsinnaasut niueqatigisinnaagaat. Tamakkumi naggataagut inuiaqatigiinnut inuiannullu iluaqutaasumik tunniussaqaarsinnaammat.

Paasivarput Naalakkersuisut sammisamut allannguutissatut siunnersuummik saqqummiussisimasut, tamannalu taperserparput aningaasaqarnermullu akileraartarnermut ataatsimiitsitaliamut ingerlateqqillugu.

Unali siunnersuut itigartinneqarnissaa inassutigaarput.